



## ATASSUT INATSISARTUNI

ATASSUT

UPA14/151-1

Gerhardt Petersen

20.05.2014

**Danmarkip Aarhusimi isumaqatigiissummik (innuttaasut avatangiisit pillugit paasissutissanik pissarsisinnaanerinut, avatangiisinut suliassaqarfimmi aalajangiinernut peqataasinnaanerinut aammalu maalaaruteqarsininnaanerinut eqqartuussivitsigullu misiliisinnaanerinut tunngasumik) akuersinerani Kalaallit Nunaannut tunuarsimaarfiginninnerup atorunnaarsinneqarnissaanik sulissuteqaqqullugit, aammalu aalajangiiffigisassatut siunnersuutip matuma akuerineqarnerata kingunitsianngua sulineq tamanna aallartinneqaqqullugu Naalakkersuisut peqqunneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Sara Olsvig, Inuit Ataqatigiit)

Inuit Ataqatigiit sinnerlugit Inatsisartuni ilaasortaq Sara Olsvig matumani siunnersuuteqarpoq Aarhus-imi isumaqatigiissut, 25. Juni 1998-mi atsiorneqarsimasoq 30. Oktober 2001-mi atulersimasoq Nunatsinni atuutilersinneqarnissaa Nunatta tungaanit sulissutigineqassasoq.

Isumaqtigiissut pingasunik sukaqarpoq, tassa avatangiisit pillugit paasissutissanik pissarsisinnaanermut pisinnaatitaaffik, aalajangersaasarnerni peqataasinnaanermut pisinnaatitaaffik, kiisalu maalaarsinnaanermut aammalu eqqartuussivitsigut misiliisinnaanermut periarfissaqartitaaneq.

Isumaqtigiissut taanna Naalagaaffiit Peqatigiiffiata Europami aningasaqarneq pillugu Kommissioniata ataani isumaqtigiissutit atuutsinneqarpoq, taamaammallu nunat isumaqtigiissummut atsioqataallutik peqataasut tamangajammik Europameersuupput.

Uagut ATASSUT-mit naammagisimaarpalput Kalaallit Nunatsinni inatsisiliortut, tassa Inatsisartut aammalu Kalaallit Nunatsinni Naalakkersuisut avatangiisit pillugit naalakkersuinikkut sulinerat. Soorunami sulissutiguassavarput suliassaqarfip iluani suliniarnitta pitsangorsartuarnissaa qulakkeerniarlugu aammalu soorunami inuussutissarsiutit ullumikkut ingerlanneqartut



## ATASSUT INATSISARTUNI

---

eqqarsaatigalugit aammalu siunissami pilersaarutaasut, pingartumik aatsitassarsiornerup iluani avatangiisiniq mianerinninneq annerpaatinniarlugu sulinerput ingerlassaaq.

Tassanngaaniilli isumaqatigiissut pisariusorujussuaq, piffissartornartorujussuaq aammalu aningaasatigut piumasaqaatitalerujussuaq Europami nunat isumaqatigiissutigissallugu atsiugaat Europamiunullu naleqqussagaq nunatsinni atuutilersinniarlugu sulissutigineqarnissaaniit, ATASSUT-mit piumaneruarput avatangiisit pillugit naalakkersuinikkut piumasaqaatit innuttaasullu pisinnaatitaaffiisa annerpaamik qulakkeerneqarnissaat nammineq uagutsinnut tulluuttumik sulissutigineqassasoq, tassa avatangiisit pillugit paassisutissanik pissarsiniarsinnaanerup ilusilersorneqarnera, aalajangersaasarnerni innuttaasutut peqataasinnaanermut pisinnaatitaaffiit ilusilersorneqarnissaat aammalu maalaarsinnaanermut eqqartuussivitsigullu misiliisinnaanermut periarfissat ilusilersorneqarnissaat matumani eqqarsaatigalugit. Siumoortumik pisinnaanngitsutut tunniutiinnarusunngilagut taamaallutalu nunarput isumaqatigiissummut ilusilersueqataaffiginngisatsinnut ilanngutsiinnarusunngilarput, isumaqatigissut europamiunut naleqqussagaammat.

Apeqquummi matumani Naalakkersuisut tapersorsorpavut tunuliaqtaaffigalugillu aamma qularutigineqassanngilaq avatangiisit illersorneqarnissaat aammalu avatangiisit pillugit apeqquinut innuttaasut tusarneqarnissaannik qulakkeerinneqataanissatsinnut ATASSUT-mit peqataarusulluinnaratta.

Tamatut oqaaseqaateqarluta, ATASSUT-mit Naalakkersuisut akissuteqaataat tusaatissatut tiguarput inassutigissavarpullu siunnersuut tammatut iluseqarluni itigartinneqassasoq.